



UNIVERSITÄTS-  
BIBLIOTHEK  
PADERBORN

**Judicium Ecclesiasticum Seu Decretalium Gregorij IX.  
Pont. Max. Liber II.**

**Schmalzgrueber, Franz**

**Ingolstadii, 1726**

Titulus XVI. Ut lite pendente nihil innovetur.

---

[urn:nbn:de:hbz:466:1-74990](#)

*cod. Vivian. ibid. in ration.* Barbos. in c. 2. cit. n.  
1. Pirk. hic n. 8. & ratio est, quia missio in possessionem ex primo Decreto fit in odium contumacis. Igitur ubi contumacia non est, poena haec tolli debet; nam ubi culpa non est, etiam poena locum non habet. *Excipitur*, nisi liquidato credito per sententiam definitivam immisus fuisset; nam hoc casu debitor, et si sine contumacia absens fuerit, ad recuperationem bonorum non admittitur, nisi prius solverit integrum debitum liquidatum, ut recte notat Pax Jordan. n. 206. & apud hunc Bartol. Alex. Peregrin. & alij plurimi.

39 Quæritur 6. quid Juris, si actor, ex primo, & secundo Decreto in rei petita, vel aliorum Adversarij bonorum possessionem missus, ob hujus potentiam, vel dolum, ea realiter nequeat apprehendere, detinere, & possidere? *ibid.* eo casu illum fictione utriusque Juris perinde haberi, acsi rem, vel bona, in qua missus est, realiter detineret: ac proinde, elapsso anno ab interpolatione primi decreti, vel per secundum Decretum, vel si actio sit realis, sine illo sit verus possessio; & si etiam tunc obstat Adversarius, & ab actuali apprehensione Actorem arceat, etiam sine hac incipit rem illam praescribere, aliisque commoda possessionis consequitur, prout patet ex c. contingit 9. de dolo, & contum. & l. quamvis 13. junct. a Gloss. *ibid.* V. perinde ff. de reb. auth. *Judic.* possid. quod statuendi causa justissima fuit, ne reus ex malitia sua commodum referat, & prodeesse videatur inobedientia iustum imperium, & authoritatem contemnit, obesse contra obedientia eadem reverenter observantis.

Quæritur 7. quid Juris, si super aliqua re actione personali conventus dicat, se dominum illius non esse, quod eam non suo, sed alieno nomine possideat? *ibid.* eo casu multum interesset, an conventus jus in illa re aliquod habeat, an vero sit praeceps detentor rei. Si hoc secundum, nominare dominum, aut verum ejus possessorem debet, & statuetur e terminus, intra quem faciet dominum comparare: qui si intra tempus datum non comparuerit, *Judex* illum citabit: quo adhuc non veniente, *Judex* mittere actorem in possessionem veram, praemissa tamen summaria cognitione negotij, & Juramento calumniæ ab actore praestito §. in alijs cit. & l. quis 2. C. ubi in rem a dio. *Si primum*, videndum, an ita conventus conveniatur super ipsa re, an super jure, quod ipse in illa habet, v. g. quia est Usufructuarius, Emphyteuta, Vafallus. *Si super re ipsa*, iterum nominabit dominum, vel si nominare illum noluerit, itaque suo nomine contestatur item, pro eo habebitur, acsili se obtulisset, sententia autem contra eum lata ipsi tantum, non etiam domino, aut vero possessori nocebit per Rubr. §. text. C. res inter alios acta. *Si super jure*, quod habet in illa re, domino non nominato, suo nomine respondere ipse tenebitur, & si contumaciter renuat, missione patientur; quia per hoc domino proprietatis non praejudicatur, & obtinetur finis immisionis, ut reus eam fatigatus recedat à contumacia. Videatur Abb. in §. in alijs cit. n. 23. Vivian. *ibid.* in ration. Barbos. n. 24. Haun. tr. 3. n. 115. Wiest. hic n. 18. §. 19.

## TITULUS XVI.

*Ut lite pendente nihil innovetur.*

## SUMMARIUM.

1. Litis pendentia inducitur Citatione.
2. Etiam in Actionibus personalibus.
3. 4. 5. Requisita, ut eam inducat Citatio.
6. Effectus Litis pendentie.
7. Facit, ut res litigiosa alienari nequeat.
8. Res litigiosa quid?
9. Exceptiones.
10. Poena alienantium.

11. Lite pendente non potest immutari possessio.
12. 13. Nec separari coniux à conjugio.
14. 15. 16. Aut insitui nova electio.
17. 18. Vel impetrari rescriptum, aut privilegium in praedictum colligitur.
19. 20. 21. 22. Modi, quibus Litis pendentia tolluntur.

**D**icitum est *Tit. prec.* posse ob contumaciam Rei absentis actorem mitti in possessionem bonorum illius, de quibus ille huic item movet. Ne hoc in exemplum quis trahat, & existimet, regulariter pendentite lite aliquid innovari posse, statuit præsente Titulo, ne lite pendente aliquid innovetur.

Quæritur 1. quomodo inducatur Litis pendentia? *ibid.* distinguendo inter Ius antiquius, & recentius. Antiquiori Jure tum Canonico, tum Civili Lis pendere censebatur à litis contestatione, prout satis clarè colligitur ex c. parte 30. fin. de V.S. & l. amplius 15. ff. rem ratam haberi l. litigiosam 1. ff. de litigios. & notat Perez in C. eod. n. 2. cum alijs. At Jure recentiori Clem. s. b.

a. b. tit. & Aut. litigiosa C. eod. litis penden-  
tia inducitur ab eo tempore, quo libellus, cla-  
rè in eo expressa auctori intentione, oblatus  
est Judici competenti, & ab isto ejus insinua-  
tio reo facta per citationem, vel saltē per  
istum stetit; quo minus ad se citatio perveni-  
ret. Vivian. in Clem. cit. v. lis dicitur, Pax  
Jordan. l. 14. tit. 14. n. 3. Haun. tom. 5. tr. 3. n.  
62. & tr. 4. n. 713. Perez. l. cit. n. 3. Scham-  
bog. hic n. 2. Wiest. n. 2.

<sup>2</sup> An in actionibus tam realibus, quam personalibus hoc procedat, dubium moveri potest. Perez. n. 3. cit. putat procedere tan-  
tum in realibus, in personalibus verò requiri contestationem litis ad effectum rei litigiosæ, ex ratione, quod Aut. litigiosa cit. tan-  
tum meminerit actionum realium, ut proinde quoad personales Jura priora perdurare in-  
telligantur. Alij tamen docent, etiam de his procedere dispositionem Juris Recentioris: & clarum hoc videtur esse de Jure Canonico; nam Clem. cit. indistinctè loquitur. Est-  
tamen inter actionem realem, & personalem  
hoc faciendum discrimen, quod in actione reali res fiat litigiosa, in personali non res, circa quam instituta est actio, sed instantia, in  
eum finem, ut is, qui primus eandem mo-  
vit, non possit illam alteri cedere, nisi simul  
in eum transferat omnia Jura, que habet  
contra Adversarium suum, cui movit item.

<sup>3</sup> Quæritur 2. quid requiratur, ut Litis pendentiam inducere possit Citatio? <sup>b. tit.</sup>  
1. requiritur, ut Citatio fuerit valida; nam  
qua invalida est, quia v. g. facta est ad diem  
feriatum, vel à Judice incompetente, Litis  
pendentiam non inducit. Clem. 2. b. tit. Ex-  
cipit, si Judex citans incompetens quidem  
sit, talis tamen, ut citatus teneatur se illi fi-  
stere, & allegare privilegium suum; nam  
hujus incompetencia non impedit, quin cita-  
tio ab eo facta litis pendentiam inducat, ut  
bene notat Jordan. tit. 14. cit. n. 3. Minus  
litis pendentiam impedit, quod contra illum  
exceptioni fieri possit, quia v. g. suspectus est,  
aut Jurisdictionem delegatam impetravit  
per rescriptum aliquod subreptitum; nam  
in his casibus ante exceptionem oppositam  
censemur competens. Vivian. in Clem.  
cit. in fin. Pax Jordan. n. 3. cit. Pirk. hic n. 2.

<sup>4</sup> 2. Requiritur, ut ad citatum perve-  
nerit citatio; neque enim ad litis pendentiam  
inducendam sufficit sola citationis emanatio,  
prout illa sufficit, ut Judicis delegati Jurisdi-  
ctio prorogetur c. gratim 20. de offic. delegat.  
quia prorogationis, & litis pendentiae diversa  
est ratio; de hac enim expressè à Jure statutum est, ut lis pendere non dicatur, nisi ci-  
tatio ad citatum perveniat, vel per eum ste-  
tit, quo minus pervenerit. Clem. 2. cit.  
Rationem dat Vivianus; quia ubi ex aliquo  
actu debet insurgere effectus, requiritur, ut  
actus ille ex suis partibus sit perfectus. Ad  
citationem autem tanquam ultima ejus pars  
pertinet intimatio, quā nuntius reo decretam

citationem denuntiat. Ergo &c. Excipi-  
tur, si per reum stetit, quod minus citatio ad  
eum venerit; tunc enim idem est, ac si ad eum  
pervenisset; ut expressè Clem. cit. Ratio  
est, quia per quem stat, ne citatio ad ipsum  
perveniat, habetur pro citato. Gloss. magna  
in Clem. cit. not. ult. alioquin ex sua malitia  
commodum reportaret, cum tamē dolus;  
& fraus nemini debeant patrocinari c. Sedes  
Apostolica 15. de rescript. & non debet esse me-  
lioris conditionis contumax, quam obediens  
c. contingit 9. de dol. & contum.

3. Requiritur, ut ex tenore citationis  
plene cognoscere citatus potuerit, quā de re  
futura sit controversia. Clem. cit. Ratio  
est, quia non est conveniens, ut ad sciendum;  
super quibus citetur, vagetur reus in incer-  
to fine culpa, & divinare teneatur. Ac-  
cedit, quia alias plurimæ ab auctore possent  
committi fraudes, dicendo se citatisse illum  
pro una re, & sic facere illam litigiosam, cū  
tamen citatim illum pro alia. Denique ci-  
tatus debet posse deliberare, quid facere ve-  
lit; an item suscipere, vel ei cedere: quod  
fieri non potest, nisi in citatione sufficienter  
instruatur de causa. Hinc Gloss. fin. in  
Clem. cit. monet, consultum esse, ut auctor  
curet libelli copiam citationi inserti. Ex-  
cipiuntur causæ, quæ agitantur in Curia Ro-  
mana; in hac enim ad inducendam litis pen-  
tentiam, & revocanda etiam postea atten-  
tata sufficit, quod citatio facta sit per Nun-  
tium, seu Curorem, & ad partem citatani  
legitimè pervenerit, ut resolvit Rota Romana  
Decis. 9. alias 279. in novis, & advertit Pirk.  
hic n. 2.

Quæritur 3. quis sit effectus Litis  
pendentiae? <sup>b. tit.</sup> si Citatio habeat om-  
nia, quæ à n. 3. recentita sunt, requisita,  
facit, ut ab eo tempore, quo lis pendere  
incepit, circa rem, de qua agitur, vel ejus  
possessionem; aut etiam circa jus, quod eo  
tempore viguit, nihil sit innovandum, quo  
litis pendentis qualitas, & status causa in  
actoris, vel rei præjudicium aliquo modo  
immutetur, sed omnia relinquenda in  
statu, in quo fuerunt tempore litis con-  
statæ, usque dum causa definitivè termine-  
tur: si contra quid factum, illud revocan-  
dum, & lis peragenda, ac si nihil factum  
esset. Ita Host. in Summ. b. tit. n. 1. Gon-  
zal. in c. 2. b. tit. n. 5. Barbos. in c. 1. eod. n.  
1. Herr. Canil. n. 2. Pirk. n. 3. Zœf. n. 2;  
Schamb. n. 4. Wiest. n. 4. & confit. clare ex  
præfanti Rubrica, quæ cū orationem perfe-  
ctam continet, Jus inducit, ut notavi ad Tit.  
6. n. 1. suprà. Nec leví hoc etiam nützt  
ratione; nam Juris utriusque principium est,  
ex alieno facto alterius conditionem de-  
teriore fieri non posse, ut innuitur c. Eccle-  
sia 3. b. t. & habetur l. omnibus 1. ff. de alie-  
nat. Judic. mut. caus. & l. non debet 74. ff. de R.  
7. hoc autem fieret, si lite pendente, inver-  
so ordine, aliiquid innovaretur, vel circa ip-  
sum

sam rem ; de qua agitur , vel circa ejus possessionem , vel circa Jus , quod eo tempore vigebat . Igitur ne in aliquo causa Rei fiat deterior , pendente lite in statu antiquo permanere omnia debent , neque aliquid innovari , per quod litis pendentis qualitas innovetur . *Excipe* , nisi litis pendentia inducta fuisse per dolum , & fraudem ex parte adversa ; tunc enim lite taliter pendente non impediretur executio .

**7** Hinc optimè statutum utroque Jure est , ut res , aut actio litigiosa , pendente lite , non alienetur , vel in aliud transferatur , & si alienetur , retrotrahatur , aut si retrotrahi nequeat , alia ejusdem valoris in illius locum subrogetur , quæ proinde , cùm subrogatum assumat naturam , & conditiones ejus rei , cui subrogatur , etiam ipsa alienari nequeat , donec lis sit decisa , prout habetur *can. fin. caus. 11. q. 1. c. Ecclesia 3. § 4. b. tit. l. fin. ff. § 1. lite 2. C. de litigios. & Novell. 112. c. 1.* Ratio est , quia talis alienatio immutaret statum rei , eaque conditio Adversarij posset fieri durior . Accedit ; quia in Judicij quasi contrahitur *l. licet 3. §. idem 11. ff. de peculio* ; & res in Judicium deducta ita præstari debet , ut erat litis contestata tempore *l. cum fundus 31. ff. de reb. credit* , sed non posset ita præstari , si alienatio sustineretur . Ergo &c. *Proceditque hoc* , ut res litigiosa etiam non possit locari , saltem ad longum tempus , prout sumitur *ex c. Ecclesia 4. b. tit.* & ratio est , quia locatio facta non ad modicum , sed longum tempus nomine alienationis comprehenditur . *Clem. 1. in fin. junct. Gloss. V. ad tempus modicum de reb. Eccl. non alien.* Extenditur , ut procedat etiam in Beneficijs ; nam lite pendente super Beneficio , ejus renuntiatio nulla est , ut notat *Gonz. in c. 4. cit. n. 11.* & alij apud eundem citati . *Nec que obstat* , quod eti res alienetur , adhuc persona superfit , quæ in Judicio condemnari potest , & sic actor sibi querere satisfactionem ; quia non parum actoris interest rem ipsam consequi , erga quam affectionem habere poterat : deinde accidere potest , ut reus non sit solvendo : unde securius actori erit rem litigiosam eodem in statu persistere , ne novum Judicium cum magno suo damno contra tertium possessorem inchoare eidem nesse sit .

**8** Porro Res litigiosa , seu vitio litigiose dicitur , quando super ejus dominio , vel quasi , utili , vel directo lis inter petitorem , & possessorem versatur auth. *litigiosa C. de litigios.* Hinc quando lis pendet super sola possessione rei , vel quasi , non ipsa res , sed sola possessio litigiosa evadit ; conseq. non res , sed tantum possessio , lite tali pendente , in aliud transferri prohibetur . Idem est , quando circa illam intentatur actio personalis , aut etiam Hypothecaria , Serviana , vel quasi . *Gloss. in Auth. litigiosa cit. V. dominio* , Menoch. *l. 2. presumpt. 97. à n.*

**7.** Farin. *Fragment. crim. p. 2. V. litigiosa à n. 276.* Sichard. *C. de litigios. n. 1. & seqq.* Brunnem. *in Auth. litigiosa cit. n. 2.* Pafferin. *in c. 1. b. tit. in 6. n. 13.* Wiest. *bic n. 15. & 16.*

Plures tamen sunt causæ , quibus res litigiosa alienari , & in alios transferri potest . Et 1. quidem ex causa dotis vel donationis propter nuptias *l. fin. §. fin autem 1. in fin. C. de litigios.* quia hæc propter affectionem nuptiarum videtur esse causa necessaria , quod fortasse non suppetant res aliae , quæ eo nomine dari possint , & sic cesset præsumptio divexandi Adversarij . Sichard. *in l. fin. cit. n. 11.* Brunnem. *ibid. n. 6.* Perez. *C. eod. n. 7.* Wiest. *bic n. 19.* 2. Causa transactionis , aut divisionis rerum hæreditariorum *§. fin autem cit. nisi omnia ejusmodi bona litigiosa essent inter hæredes , eorumque Adversarium ; hoc enim casu in istius præjudicium dividi inter illos non possent.* Cephall. *Conf. 64. n. 28.* Farin. *l. cit. n. 266.* Sichard. *n. 22.* Brunnem. *n. 6.* cit. Wiest. *n. 20.* 3. Per ultimam voluntatem , seu viam institutionis , aut etiam legati *§. fin autem cit. & Novell. 112. c. 1. §. & hoc autem.* Causa tamen , quo res litigiosa legatur , hæres item cum defuncto coepit periculo , & commido legatarij prosequetur , ita ut iste , si hæres vicerit , legatum , si vincatur , nihil consequatur , atque sic nihil , quam eventus , & exitus litis relictus videatur *§. hoc autem cit. Auth. nunc hæres C. de litigios.* Sichard. *in l. 4. C. eod. n. 23.* Brunnem. *in Auth. cit. Perez. eod. tit. n. 8.* Wiest. *n. 21.* 4. Cum consensu colligitantur , vel gratiâ Principis , imò aliquando ex iusta causa , puta quod res alioquin esset peritura , permissione Judicis . Farin. *l. cit. n. 270.* Wiest. *n. 22.* 5. Si alienatio fiat ab aliquo tertio , cui ea cum colligitante est adjudicata ; cum enim respectu tertij vitio litigiosi affecta non sit , alienatio ab isto facta erit valida . Menoch. *præsumpt. 97. cit. n. 45.* Perez. *l. cit. n. 4.* Wiest. *n. 22. cit.* 6. Si ab ipso colligitante alienetur , & obligetur in eum casum , quo litigiosa esse definit . Sichard. *in l. 4. cit. n. 20.* Brunnem. *ibid. n. 6.* Wiest. *n. 23.* 7. Si pendente lite , Adversarium injuste , & calumniosè agere , ipsi autem alienanti jus competere evidenter constet . Menoch. *n. 48.* Brunnem. *n. 6. cit. 8.* Si alienatio fiat pro solutione funeralis , pro solutione debiti , pro cibarijs familiae , vel pro alia causa necessaria ; quia necessitas est extra , vel supra legem . Vivian. *in c. 3. §. 4. b. tit.* Haun. *tom. 5. tr. 4. n. 718.* Pirh. *bic n. 14.* König. *n. 5.*

Quoad poenam alienantis rem litigiosam , distinguendum est , an is , qui emptio ne , vel alio modo ab alienante sibi illam comparavit , sciverit rem esse litigiosam , vel ignoraverit . Si hoc scivit , contractus , vel alienatio non tenet , lis tamen procedet , sicut prius , & emptor perdet pretium , ven-

vendor vero de suo dabit tantumdem, & utraque quantitas applicabitur fisco. Si ignoravit, pretium a venditore recuperabit, atque insuper tertiam partem estimationis rei ab eodem recipiet ob dolum, & sui deceptionem, duas autem partes reliqua cedent fisco, prout habet. *l. fin. C. de litigioſ. Gloss. in c. 3. V. litigioſ. b. tit.* Et sic vendor, qui item ignorare non potuit, solus in duplum plectur; quia improbe feci, dum non manifestavimus emptori, quod res litigiosa esset. Sichard. *l. fin. cit. n. 7. Perez C. eod. n. 6. Pirk. hic n. 14.* Et codem modo punitur donator, & donatarius sciens, vel ignorans rem esse litigiosam, ut patet ex *l. fin. cit.* In dubio presumunt emptor, & donatarius ignorasse vitium litigiosi. Sichard. *n. 8.* quia semper presumendum est id, quod est levius, ne in delictum incidatur *l. merito 5. ff pro socio.*

**Quæritur** 4. utrum lite pendente possit immutari possessio, eaque transferri in alium? Videtur posse ob varios Juris textus. Et 1. quidem *c. dilectus 2. & c. fin. de sequestr. poss.* Et fruct. privatur possessio lite pendente commodo possessionis per sequestrationem rei, & fructuum apud tertium facta, & hoc non solum, quando periculum est dilapidationis, sed etiam, ut in *Clem. in eod. habetur*, si eos possessor non dissipet. 2. *can. accusatum 14. caus. 2. q. 5. c. accusatum 4. & c. seq. de Simon.* accusatus de Simonia, etiam pendente lite, removetur a celebracione Missarum. 3. *c. cum persone 7. & fin. de privil. in 6. is.* qui allegat privilegium contra ius commune, etiam praescriptione munitione, lite pendente in illius privilegii possessione non defenditur. Igitur lite pendente privari possessione sua pristinus possessor potest.

Sed certa est negativa sententia, iuxta quam possessio lite pendente immutari non debet, sed potest possessor, etiam dum lis pendens est, uti possessione sua, ut prius, nec commodis ejusdem privari debet. Ita Vivian. *in Clem. 2. b. tit. in ration.* Barbos. *in c. 7. eod. n. 1. Fermoſin. ibid. n. 2. Pirk. hic n. 3. Engl n. 2.* Ratio est, quia qui utitur possessione sua, ut prius, nihil dicitur innovare, sed potius Jure vertere uti.

Neque obstant Argumenta contraria. Ad 1. textus *Clem. cit.* solum loquitur de casu, quo sententia in causa Beneficiali apud Curiam Romanam lata est adversus eum, qui nondum triennalem possessionem impleverat; nam eo casu ex speciali causa Jure novissimo admittitur sequestratio, ut compescatur malitia ligantum, prout patet ex textu. Ad 2. Jura ibi cit. ut explicat Fermoſin. *in c. 1. b. tit. q. 1. n. 8.* procedunt, quando non solum accusatio de Simonia intervenit, sed etiam praecelsit publica infamia; non est autem novum, ut ob atrocitatem criminis, de quo aliquis diffama-

tus est, admittantur plura contra Juris regulas, & rigorem. Ad 3. ibi adversus prescribentem obstabat vehementis malitia praesumptio, cui favere, & parrocinari videbatur Jus communis: unde in eo casu non sufficit prescriptionem allegare, cum odio sit, sed eam plene probare necesse est.

**Quæritur** 5. utrum conjux, pendente lite, qua agitur de divortio ob adulterium, vel impedimentum dirimens, separari a conjugi altero. Judicis autoritate possit. Videtur posse ob textus sequentes. 1. *c. tenor 10. de sent. Et re judic.* ubi pendente lite, separantur conjuges, & privantur commode possessionis, siquidem sub pena Excommunicationis interdicuntur eis consortium carnale. 2. *c. litteras 13. de restit. spoliat.* ubi lite mota super matrimonio, & opposita consanguinitatis exceptione, denegatur restitutio quoad commixtionem conjugalem. 3. *c. cum locum 14. de sponsal.* ubi cum accusaretur Matrimonium, & nullum diceretur propter metum, jubetur, ut lite pendente uxori deponatur apud honestas matronas.

Sed dicendum, quando agitur de divortio ob adulterium, vel impedimentum dirimens, pendente lite, non debere conjugem a conjugi altero separari auctoritate Judicis, vel privari commode possessionis Juris conjugalis, sive carnali commercio, donec de crimen adulterij, vel impedimento legitime probatum sit, & lis decidatur. Ita statuitur *c. laudabilem 2. b. tit.* & notat *ibidem Abb. n. 1. Et seqq.* Vivian. *in ration.* Fermoſin. *q. 1. n. 2. Goncal. n. 3. Et seqq.* Barbos. *n. 1. Wagner. not. i. Henr. Canif. n. 2. Laym. n. 1. Vallenf. n. 2. Zœf. n. 2. Pirk. n. 9. Et 10. Engl n. 2. Schamb. n. 4. Wiest. n. 8. & alij apud istos. Ratio est; quia ex quo litis pendente reperit conjuges ejusmodi in quieta possessione conjugali, praesumptio est pro Matrimonio, & quod conjux licet eo utatur *c. ex transmissa 8. de restit. spoliat.* Unde cum eo casu, quo notoriè nondum constat de defectu proprietatis, unusquisque pendente lite sit conservandus in sua possessione *c. in litteris 5. eod. sequitur*, quod conjux, lite pendente super matrimonio, commodo possessionis sua privari non debeat. Et hoc verum est etiam post probatam accusationem, & conclusionem factam in causa; quia adhuc per appellacionem totum factum suspensi potest: appellacione autem pendente, & tempore, intra quod fieri debet, nihil est innovandum *c. non solum 7. de appellat. in 8.**

Diligenter tamen hic est notandum, dispositionem *c. laudabilem cit.* solum procedere quoad Judicem, non vero etiam quoad partes, seu ipsos conjuges. Hinc etsi Iudex, pendente lite, quod adulterium, vel impedimentum nondum sit notorium, separationem non possit facere, ipse tamen conjux, qui de impedimento dirimente est

certus, non potest exigere, & reddere debitum conjugale, ne peccatum incurrat, sed potius sustinere excommunicationem debet juxta c. litteras 13. de restit. spoliat. Si militer conjux, conficius adulterij facti ab altero coniuge non tenetur exspectare litis exitum, sed ante istius finem abstinere potest à redditione debiti conjugalis; immo si velit agere ad separationem thori, debet sic abstinere, ut recte advertit Fermo. q. 1. cit. n. 5. & ratio est, quia si à Judice minime coactus redderet, esset condonatio adulterij, ac jus petendi divortij extingueretur.

Textus in contrarium allati non obstant assertioni. *Ad 1.* Assertio procedit de casu, quo Matrimonium primo contractum est Ecclesia approbante, de quo postea agitur, vel ad dissolutionem vinculi ob impedimentum, vel ad separationem thori ob adulterium; in casu autem c. tenor cit. contractum fuit Matrimonium contra prohibitionem Ecclesiae, quia eo casu sponsus, pendente lite super valore matrimonij primi contraxit secundum: est autem inter hos duos casus maxima disparitas; nam in casu assertionei conjuges habent possessionem veram, in altero vitiosam: unde ratio est, cur in priore casu conjuges defendantur in sua possessione, non autem defendantur contrahentes in posteriore. *Ad 2.* restitutio in c. litteras cit. solum denegatur, quia alter conjugum paratus erat in continentia consanguinitatem probare: & quoniam periculum erat incestus, ad hoc periculum evitandum recte constitutum est, ut lite pendente sequestraretur mansio cubiculum, & coabitatio suspenderetur. *Ad 3.* in eo casu nondum erat consummatum matrimonium; nostra autem assertio procedit solum, cum per matrimonij consummationem jam est acquista plena ejusdem possessio.

**14** Quæritur 6. an casu, quo duo in discordia electi ad idem beneficium, vel Prælaturam, super electione inter se litigant, & pendente lite unus moritur, vel renuntiat electioni, lite super jus superstites nondum decisae, procedi possit ad aliam electionem? *R.* non posse: eritque hæc electio, si attentata fuerit, ipso Jure irrita, ut habetur c. dispendijs 1. b. tit. in 6. & docent Vivian. ibid. in rational. Pafferin. n. 1. Fermo. ad Rubr. b. tit. n. 4. Vallen. n. 2. fin. Pirh. n. 17. Schamb. n. 8. Wiest. n. 10. Ratio est, quia per hoc, quod unus colligantium fuerit mortuus, non cessat Beneficium illud, vel Prælatura litigiosa esse; nam dubium adhuc manet, an Jus ad Beneficium illici superstes habeat, quo jure ne hic privatetur, electio nova interea suspendi debet.

Proceditque hoc 1. & multo magis, si uterque litigans superstes sit; tum enim uterque laderetur per electionem tertij. *Excepsisse*, nisi, qui sic in discordia electi sunt, litigent in fraudem super electione sua, ut aliam no-

vam electionem impediant, præfertim si notoriè constet neutri eorum jus competere; cum enim notoria in jus deduci non debeant c. quoniam 10. de fil. presbyt. non potest dici tunc item pendere in ordine ad novam electionem impediendam.

*Procedit 2.* et si deinde constet, quod si superstites in Beneficio Jus nullum ex electione circa se celebrata competit; nam non obstante superveniente ista notitia, electio tertii lite pendente facta manet invalida; quia initio fuit invalida, & quod ab initio vitiosum est, non potest tractu temporis convalescere, ut ait Paulus, Reg. 29. ff. de R. J. Neque obstat, quod c. ex parte 10. de arbitr. hujusmodi nova electio invalida solum pronuntietur, si superstites prius electi jus competit; unde per argumentum à sensu contrario videtur colligi, celebratam casu, quo superstites nullum Jus competit ex electione sua, fore validam. Dicendum enim huic argumento post Confitutionem Bonifacij VIII. c. dispendijs cit. locum non esse amplius; quia per hanc irritata est omnis nova electio celebrata lite pendente, idque propter publicum Ecclesiae bonum, ne multiplicatio electionum proroget item, indecora orta diutina vacatio in Ecclesiae, ejusque rerum dispendium cedat.

*Procedit 3.* etiam si lis sit de Beneficio obtento. Casus est iste: Titus Cajo confessori Beneficii item movit, Caju per actionem confessoriam petit, se quasi dominum Beneficij declarari, moritur pendente hac lite Caju, vel lite cedit: non potest hoc casu ad Beneficium litigiosum praesentari, vel eligi tertius. Ita statuitur c. fin. b. tit. in 6. & ratio sic statuendi fuit, ne Ecclesiae ob subrogatos, seu novos confessores beneficiorum damnum, & dispendium patiantur, & superstites litiganti creetur præjudicium, quod utique fieret, si per novam electionem, vel collationem superinducetur novus confessor; facilius enim litigans superstes obtinebit vacuum possessionem Beneficij, quam si novus confessor in locum prioris sit substitutus.

*Procedit 4.* etiam in casu, quo 6 Beneficium non viâ electionis, sed præsentationis, institutionis, vel libera collationis obtentum fuit; quia hæc in Jure in plenisque æquiparantur electioni, & ratio pugnat omnino eadem. An autem hoc casu patronus Laicus variare, & a se prius presentato post obitum, vel renuntiationem colligantis superaddere alium nova præsentatione posse, litigant DD. Affirmant Joan. Andr. in c. 1. b. tit. in 6. & Lambertin. l. 2. de Jur. patron. p. 1. q. 6. art. 12. ex ratione, quia patrono Laico variandi jus indistincte competit per c. quod autem 5. c. autem 24. Et c. de Jur. patronat. & huic Juri per c. 1. Et c. fin. b. tit. in 6. derogatum non est, cum priori sermo sit de electione, &

& collatione, posteriori agatur de præsentatione facta casu, quo collitigantium alter institutus, & in possessione jam fuit. Teneenda est via media, & dicendum, posse quidem hoc casu à Patrono Laico præsentato à se superadditi collitigantem præsentatum ab alio Compatrono; non autem posse tertium distinctum. Ita Roch. de Curte de Jur. patron. V. honorificum q. 23. n. 53. Covar. præf. qq. c. 36. n. 7. §. tertio Garc. de benefic. p. 5. c. 9. n. 217. § 219. Pafferin. in c. 1. b. tit. in 6. n. 7. Wiest. hic n. 12. § 13. Ratio secundi est, quia per ejusmodi variationem, & subrogationem tertij multiplicarentur lites, & prorogarentur cum dispendio Ecclesia, & præsentati à compatrono cuius conditio, novo adversario subrogato, fieret multo deterior. Ratio Primi; quia per superadditionem præsentati à compatrono nemini fit præjudicium, non ipsi præsentato, cuius Jus hac variatione potius confirmatur; non etiam Ecclesia, quia sic lis non protractur, sed potius abbreviatur: ut adeo cesset ratio omnimoda prohibitionis; conf. debeat cessare ipsa prohibitio.

**17** Quæritur 7. an lite pendente, in præjudicium alterius collitigantis possit imperati Rescriptum, vel Privilegium? §. non posse, sed impetrata, non facta mentione litis pendens pro subreptitijs, & irritis habenda sunt, ita, ut secundum illa decidi si nequeat, Sumitur ex c. à memoria 1. & c. fin. b. tit. Habetur etiam c. causam 19. junct. Gloss. magn. ibid. in notat. de testib. § attest. & c. datum 31. junct. Gloss. magn. ibid. in notat. de privil. Ratio est, quia in dubio non censetur Princeps velle alterius juri præjudicare, vel statum litis mutare. Igitur ex tali Rescripto, vel privilegio procedi non potest, sed de litis pendente certior fieri Princeps debet, & secunda ejus iussio exspectanda. Conf. à pari; nam neque Lex de novo emanans extenditur ad causam litis jam mota, seu pendente, sed ea decidi, debet secundum antiqua Jura Novell. 113. c. 1. quod Lex futuris det formam negotijs, non præteritis c. fin. de constit. ergo multo magis privilegium, quippe odiosum, & exorbitans à Juris communis dispositione restringi debet, & ita accipi, ut non deroget causa litis pendente.

**18** Proceditque hoc, et si non ad petitio- nem, sed motu proprio Princeps dedisset hujusmodi privilegium; nam licet motus proprius tollat suspicionem obreptionis, non tam extendit privilegium ultra voluntatem concedentis probabiliter præsumptam; præsumitur autem Princeps concedens pri- vilegium concedere illud nolle in alterius præjudicium, nisi hoc specialiter exprimat. Item verisimile est, non concessurum fuisse, si scivisset litis pendentiam, ut optimè notant communiter hic DD. Ergo &c.

Intelligi autem assertio debet de privi-

legijs, & rescriptis ambitiosis ad gratiam concilis, quibus rei judicandæ forma præscribitur, aut jus partis mutatur, non vero de illis, quibus ad litem finiendam Judices invitantur; nam haec recte conceduntur, & admittuntur, etiam lite pendente, cum nullum partibus præjudicium afferant, ut recte monet Gonzal. in c. fin. b. tit. n. 9.

Quæritur 8. quomodo tollatur litis pendenta? Varios modos afferunt DD. præsertim Lancellor. de attentat. lit. pend. p. 2. c. 4. Pax Jordan. l. 14. tit. 14. à n. 19. Haun. tom. 5. tr. 4. n. 362. § 720. Pirh. hic n. 2. König n. 7. Nam

1. Litis pendenta cessat per sententiam definitivam, si non tantum lata, sed etiam lapsu decendi à die late sententia in rem judicatam transferit, & executioni fuerit mandata arg. c. cum inter 13. §. qu. m. v. de sent. § re judic. Dixi per sententiam definitivam; nam per sententiam interlocutoriam tantum lis cessat super eo articulo, super quo lata est, non autem respectu causa principalis. Excipe, nisi talis haec sententia interlocutoria fuerit, ut per eam Judex pronuntiaverit se esse incompetenter; tunc enim lis non amplius diceretur pendere.

2. Per cessionem, vel renuntiationem ex-

pressam ipsius actionis, vel cause. Ut tam- men litis pendenta per eam tollatur, qua- tuor requiruntur.

1. Ut in cessione facta sit litis mentio; nam si in ea non est facta litis mentio, cessione erit nulla, & propterea li- tem non extinguet. Pax Jordan. n. 24.

2. Ut cessione haec sit acceptata à reo; po- test enim reus illam respuere, & velle pro- ferri sententiam: unde utriusque litigantis consensu fieri debet; alioquin lis non extin- guetur. Jordan. l. cit. & apud hunc Ro- ta 7. Jan. 1587.

3. Si conditionate sit fact, opus est, ut conditio sit impleta; nam ante impletionem conditionis nihil ponit in esse juxta regulam conditionalium.

4. Si facta sit à Procuratore, fieri debet ex speciali mandato principalis; quia est quædam quasi donatio, confessio, & declaratio animi posita in voluntate domini. Si his conditionibus, & requisitis instructa sit cessione, & fiat ab eo, qui potest cedere, finitur litis pendenta, adeo, ut si Judex post ejusmodi cessionem sententiam proferat, haec ipso Jure sit nulla, ut ex Lancelloto notat Jordan. n. 23. Proceditque hoc non solum in causis prolatis, sed etiam in Beneficialibus; talis enim cessione in Beneficialibus, quamvis non inducat cessionem Juris, habet tamen vim pacti de non petendo.

3. Per cessionem, vel renuntiationem

etiam tacitam, § implicitam; qualis est, si litigator acceptat Beneficium incompatible cum Beneficio litigioso, si Procura- tores, quos in Curia habet, domum revo- cat, vel si quoscunque alios actus litis pen- dentia contrarios exercet, ex quibus appa- rere

rere possit de mente, & intentione dimittenda litis. Per hoc tamen solum, quod Adversarius dicat se nolle ulterius prosequi item, aut per similia verba, præsertim prolatæ extra Judicium, non censetur finita lis, ut bene monet Jordan. *l. cit. n. 20.* Eadem vim, quam cessio, etiam habet transactio, quæ partes inter se invicem componunt item vel coram arbitro, vel coram Judge.

4. *Per mortem utriusque litigantis; mors enim omnia solvit.* *Novell. 22. c. 22. in princ.* Proceditque hoc etiam in morte Civili; item si unus moriatur, & alter cedat, vel renuntiet liti, ut Pax Jordan. *l. cit. n. 25. notat.* Dixi *per mortem utriusque;* nam si unus solum ex litigantibus moriatur, & alter superstes velit prosequi item, & sententiam expectare, poterit.

5. *Per lapsum temporis:* de quo vide *22 Tit. I. supr. n. 79. & seqq.*

6. *Secundum aliquos per Desertionem.* Censerur autem lis deseriri, si per decennium Adversarius item non sit prosecutus, & ex actis constet de non jure.

7. *Negligentia litigantium,* veluti si impletans Beneficium post annum non servet secundam partem Regulae de annali professore; tunc enim lis dicitur extinta, adeo, ut Ordinarius possit de Beneficio provide-re, ut cum Rota in pluribus causis firmat Lancellot. *l. cit. n. 340.*

8. *Voluntate, sive authoritate Papæ, vel alterius Principis,* si causam ad se avocent, & item extinguant.

9. Denique Litis pendentia cessat omnibus ijs modis, quibus lis aut omnino finitur, aut notoriè nulla est.

## TITULUS XVII.

### De Sequestratione Possessionum, & Fructuum.

#### SUMMARIUM.

1. *Sequestrationis definitio.*
2. *Differentia à Deposito.*
3. *Divisio in Voluntariam, & Necessariam.*
4. *Prior generaliter permissa est, non posterior.*
5. *Sequester quid?*
6. *Potest esse etiam Judex.*
7. *Nemo potest ad id compelli.*
8. *Deponere tamen Officium Sequestri nemo potest ex suo arbitrio.*
9. *Res, quæ sequestrari possint.*
10. *11. 12. 13. Res, quæ sequestrari possunt.*
11. *15. 16. 17. Requisita, ut sequestrari Beneficium possit.*
12. *19. 20. 21. 22. 23. Casus, quibus licita est Sequestratio.*

24. *25. 26. Requisita ad legitimam Sequestrationem.*

27. *28. 29. Effectus.*

30. *31. 32. Sequester potest etiam presentare, eligere, conferre Beneficium, si bujusmodi Jura sibi annexa habeat res sequestrata.*

33. *34. Modi quibus Sequestrum tollitur.*

35. *Potest Sequestrum passus ex re Sequestrata accipere alimenta, & sumptus litis, si alii de non habeat.*

36. *Arrestatio quid?*

37. *Differentia a Sequestratione.*

**I**N Titulo priore pro Regula universalis positum est, pendente lite, nihil innovari debere: in praesenti Titulo universalitas ista restringitur, & lite pendente ex certis causis, certisque circumstantiis permittitur Sequestratio possessionum & fructuum.

Quæritur 1. quid sit Sequestratio? 2. Sequestratio, sive Sequestrum (nam ex usu DD. teste Harprecht in §. præterea 3. Instit. quib. mod. re contrah. oblig. hæc duo nomina idem sonant) Germanicè *Hindernislegung* / seu *Pfand: haltung* / est rei controversæ, vel fructuum ejus consensu partium, vel auctoritate Judicis apud tertium facta depositio. Sive *Ejus rei litigiose, & in Judicium deducere à possessore separatio, & in manus tertii securitatis causâ legitime facta depositio.* Sumitur ex *l. licet 17. princ. ff. depositi, & tradunt quoad sensum DD. communiter, præcipue Host. Summ. b. tit. n. 1. Fermolin. in Rubr. eod. princ. n. 4. Barbo. ad eand. rubr.*

*n. 7. Pax Jordan. l. 14. tit. 15. n. 1. Perez C. de prohib. sequest. pecun. n. 2. Harprecht in §. præterea 3. Inst. pub. mod. re contrah. oblig. n. 59. Gibalin. de rer. human. negot. l. 3. c. 2. art. 6. n. 2. Henric. Canif. bic n. 1. Pth. n. 1. Wiest. n. 2. Generis loco ponitur Deposito; est enim quædam Depositi species, & latius patet nomen Depositi, quam Sequestri: cætera particulae differentiam tum a Deposito, tum ab alijs explicant.*

3. *A Deposito sex portissimum modis differt.* 1. Quia Sequestratio non sit, nisi de re litigiosa; hinc in definitione additum est *rei controversæ;* at contractus Depositum fieri potest etiam de re liquida, & non litigiosa. *l. licet princ. cit.* 2. Apud Depositarium etiam unus potest deponere, apud Sequestrum non nisi plures. *l. licet cit. & l. proprie 6. ff. eod.* Ratio est, quia Sequestrum, ut dixi, est rei controversæ; at qui solum inter plures valet controversia esse. Ergo &c. 3. Sequestratio censerur à litigo &c.

gan-